



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romæ, 1863

De Sanctis Martyribus Polyanthro, Philone, Candida.

[urn:nbn:de:hbz:466:1-72708](#)

DE SANCTIS MARTYRIBUS

POLYANTHO, PHILONE, CANDIDA.

VII JANUARII. **M**artyrologium S. Hieronymi vii Januarii : Et alio loco Polyanthi, Philonis, Candide. Erit fortassis qui ex nominum affinitate eosdem hos esse conjiciat, de quibus idem Martyrologium xiii Februarii : Et alibi Po-

liarti, Philoroni, Candidi. At plures in Martyrologiis celebrantur, non solum similibus, sed omnino iisdem appellati nominibus.

DE S. JULIANO MARTYRE IN GALLIA.

VII JANUARII. **E**gimus supra de S. Juliano Martyre Sardo. Alium hoc ipso die refert Andreas Saussayus in Martyrologio Gallicano, his verbis : In tractu Andegavensi natalis S. Juliani Martyris, cuius corpus in ascetario seu Prioratu S. Joannis ad Ligerim quiescit condigno

cum honore. Nihil atibi de eo reperi. Hic, an Sardus ille, a Martyrologio Romano celebretur, non divino : ab illo diversum esse hunc constat, cum utroque corpus extet.

DE S. SENATORE EPISC. VERONENSI.

VII JANUARII. **S**enatoris Episcopi Veronensis natalem referunt hoc die Galesinius et Ferrarius, licet hic festum propter Octavam Epiphaniae in xix Januarii rejici testetur.
Vita ex Ferrario. 2 De eo ita scribit idem Ferrarius in Catalogo Sanctorum Italiæ : Senator inter Sanctos Proculum et Probum Episcopatum Veronensem, Diocletiano et Maximiano Imperatoribus, administravit. Vir fuit sanctitate, doctrina, ac gravitate, ceterisque virtutibus, qua in optimo Pontifice requiruntur, prædictus. Hic gravitati facilitatem adjunxit. Cumque Ecclesiam

aliquot annos summa cum laude, et populi utilitate rexisset, tandem yn Idus Januarii ex hac vita migravit. Ejus corpus in basilica S. Stephani conditum in magno habetur honore. De corpore idem testatur Galesinus in Notis. Colitur S. Proculus Episcopus Veronensis xxii Martii. S. Probus xii Januarii. Sed quod hic habet Ferrarius, S. Senatorem sub Diocletiano et Maximiano floruisse, id xxii Martii in dubium revocat, contendens S. Proculum ejus successorum sub Claudio Maximino, qui an. ccxxxv invasit Imperium, floruisse.

DE S. LUCIANO PRESBYTERO MARTYRE.

§ I. Luciani sanctitas, doctrina Catholica.

ANNO CCCXII. VII JANUARII. **C**elebratur gloriatus hic Martyr ac Doctor vii Januarii a Latinis, a Gracis nunc xv Octobris, ut ex Menologio et Menaxis patet, atque Anthologio a Clemente VIII approbat; olim vero eodem quo et obiit die vii Januarii, ut liquet ex S. Chrysostomi sermone postridie Theophaniorum in illius laudem habito. De eo Usuardus : Eodem die B. Luciani, Antiochenæ Ecclesiæ Presbyteri et Martyris, qui satis clarus doctrina et eloquentia, passus est Nicomediae ob Christi confessionem in persecutione Maximini; sepultusque est Helenopolis Bithyniae. Eadem fere de eo prædicant Bellinus de Padua, et Martyrologium Romanum, nisi quod non sub Maximino sed sub Maximino passum volunt. Sub Maximino passum habent Beda et Ado excusi.

In quatuor partes dissecionem quidam scribunt. 2 Protius ejus elogium ab Actis, quæ infra dabimus, paulum discrepans, habet Notkerus, et mss. Adonis Martyrologia, monasteriorum S. Laurentii Leodii, et Lobensiæ : Et Nativitas S. Luciani Antiochenæ Ecclesiæ Presbyteri, et Martyris, viri doctissimi atque eloquentissimi, qui Nicomediae ob confessionem Christi passus, et in quatuor partes dissecus est : quibus in singulis lapidibus ligatis, et in mare demersis, alia die Helenopolis Bithyniae integrum corpus cum ipsis lapidibus inventum honorifice sepultum est. Quam urbem, cum prius Drepana vocaretur, in honorem ejusdem Martyris Constantinus Imperator instaurans, ex nomine matris sua Helenopolim nuncupavit. Eadem fere mss. Lætiense, et S. Martini Tornaci ac Florarium. At mss. S. Martini Treviris, et S. Mariae Ultrajecti : In Nicomedia Luciani Presby-

teri, qui in quatuor partes fractus, in mare demersus, integer inventus est. Meminere quoque S. Luciani hoc die vetus Martyrologium Romanum, ms. S. Hieronymi, Wandelbertus, Maurolycus, Galesinius, aliique.

Eius elogium ex S. Hieron.

3 S. Hieronymus lib. de Scriptoribus Ecclesiasticis cap. 77, ita S. Lucianum celebrat : Lucianus vir disertissimus, Antiochenæ Ecclesiæ Presbyter, tantum in Scripturarum studio laboravit, ut usque nunc quædam exemplaria Scripturarum, Lucianæ nuncupentur. Feruntur ejus de fide libelli, et breves ad nonnullos epistola. Passus est Nicomediae ob confessionem Christi, sub persecutione Maximini, sepultusque Helenopolis Bithyniae. Eadem fere Honorius Augustodunensis cap. 77, sed fallitur dum Nicomedie Episcopum fuisse scribit.

4 Duo de S. Luciano revocari in controversiam possunt : primum, recte senserit de fide orthodoxa; alterum, quo tempore obierit. Quod ad primum attinet, quia id nostri non est instituti, singulorum Sanctorum scripta expendere, dum constet eos in Catholicæ fide esse mortuos, atque in calitum numero ab Ecclesia censeri, id verbo solum hic attingemus; præsertim cum id plenius acturum esse sciamus Petrum Halloix Nostrum; cui eruditissimo viro precor ut multis Deus addere annos velit. Nam quæ edidit jam de Sanctorum scriptorum Ecclesiæ Orientalis rebus gestis volumina, tum sancto illi Lætiensi Abbatii Antonio Wingio mirifice probata, tum ab aliis viris eruditissimis ita laudari scio, ut negetis alium scriptorem majori legere animi voluptate; quidquid aliqui secus sentiant. Sed ad S. Lucianum revertamur.

5 Cum acerrime Sabellianorum errores confutaret Lucianus, ardore disputationis eo est provectus, ut paulo licentius